

Ե.

Կիսկիմ կամ Կիցկա:

Կիսկիմ դաւառն սկսում է երկու Հունտ-
Հնուտ գեղերի առ-ների ձորերից, երկարում
է 40 կիլոմետր եւ վերջանում է Պալխար
վտակի խառնունքի, Սակուտ եւ Ամգէտ առ-
ների ձորերի մօտ: Այս հովիտը ճորոխի
կենդրոնական մասն է կազմում, համեմա-
տաբար ընդարձակ դաշտեր, սարահարթեր
եւ ծայրէ ծայր մշակուած ագարակներ եւ
հանդեր ունի, որոնք ուղղուած են եղել մի
ժամանակ ամբողջապէս, իսկ այժմ տեղ տեղ,
քանի որ ջրանցքները վերջին ժե-րդ եւ
ժԶ-րդ դարերում կործանուել եւ այլ եւս
չեն վերանորոգուել: Կիսկիմ անունը առա-
ջին անգամ յիշուած է Աստուրա-Ուրարդա-
կան չրջանների սկզբներում եւ շարունակում
է գոյութիւնը մինչեւ այսօր: Կիցկան եղել
է արքայական, Մալխասեան, Պարթեւ-Պահ-
լաւական, Ամատունի, Սլկունի եւ ուրիշ
չատ նախարարութիւնների Ոստանն-ամրոց,
բերդ եւ դանձարան¹. այս դաւառն եղել է
պատասպարան եւ նեղուածները այստեղ կամ
աւելի խորը-Պահլաւական, Պարթեւական,
Մամիկոնեան կալուածներումն են ապաստան
գտել միջին դարերում, երբ հալածուել են

¹ Սեպ. արձանագ. Սանդալճեանի, Վիեննա, 1901 թ.
եւ ուրիշ աեղեր: